

Zeitschrift: Le nouveau conteur vaudois et romand

Band: 95 (1967-1968)

Heft: 3-4

Rubrik: Page fribourgeoise

Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 14.09.2025

ETH-Bibliothek Zürich, E-Periodica, <https://www.e-periodica.ch>



Page fribourgeoise

L'Amicale « Lè Triolè » a Arkonhyi

La né dou 22 d'oktobre lè j'èmi dou paté chè chon rinkontrâ a la pinta d'Arkonhyi. Mé dè 60 patèjan l'avan répondu a l'invitachyon dou comité. Po rindre la vêlya pye dzoyâja, ouna tyindzanna dè tsantre l'an fê our di bi j'è in paté. Y dévon ithre félichitâ dè to kà pérmo ke lou tsan dènoton l'èfouâ ke chè fê dèjo la badyèta dè M. Telley, dirakteu.

M. Mouron, préjidan, l'a ourâ l'achinbyâye in rèmarhyin ti lè patèjan chin oubiyâ dè rèlèvâ la préjinthe dè kôtyè bravo « Mainteneurs ». No j'avan le pyéji d'avê pérmi no M. Dzojè Brodâ d'La-Rotse, ke l'a konpojâ mé dè dou then tsan in paté, M. François Brodâ, préjidan d'l'Amicale « Intrè-no » dè Friboua, è chon chèkretéro M. Pièro Andrey. Din nouthra kotze hou ke mankon raramin lè réunion chon MM. Franthè Bourdyè è Pièro Yérle dè Trivo, è M. Gabriel Kolly, député a Echè. Ti hou bravo ke dèfindon ârdyamin le paté l'avan lè mimo j'idé po no fére a vêre le tsemin ke no parmè dè le mintinyi. Dèvezjadè-le, aprindè-le a vouthrè j'infan è kemin n'è djamé tru tâ po bin fére ékridè-le. Apri ha konvêrcha-chyon a kà ouvê, la chèkretéra l'a yê le protocole d'l'achinbyâye dou 21 dè mé a Trivo. M. le préjidan l'a rèmarhyâye po to chin ke fâ po l'Amicale.

Teché la partya di fariboulè l'è arouvâye è n'in d'avê a fére a rèkathalâ lè pye dû. Ma atinhyon pâ dè pe yôtè chti

kou kevin. Po dre lè fâchè no trâvin lè Damè Maryè Schorderet è Anna Python d'Arkonhyi è lè Moncheu Pièro Kolly dè Prareman. Pièro è François Tanner dè Bounafontanna, Dzojè Clerc infirmyé a Machin è Dèni Andrey a Trivo.

Lè tsan (*Mon bi payi* è *Lè j'adyu ou Yantsè*) chon j'ou bayi pê le duo Pascal Python è Djan-Pièro Bulyâ d'l'indrê ke l'an rèchu lè félichitachyon ke mretâvan. Po betâ le bôtyè a ha galéja velya, la chèkretéra, Mariètâ Bongâ, l'a yê on reportâdzo ke l'avê inkotzi in paté ke konchérnâvè la fitha dou Jubilé d'la chochiètâ dè mujika L'Armonie d'Arkonhyi. Tsakon l'a j'ou le pyéji dè chè chovinyi di balè j'ârè pa-châyè din le dzouyo chi dzoa.

Pê lè bon choin dè M. Henri Python, minbro dou comité ke l'avê tan bin organijâ, ha dérière rinkontra di patèjan l'è j'ou la pye bala pachâye a Arkonhyi tan k'ora. On bi hyâ dè lena no tinyè konpanyi po rintrâ to dzoyâ è a ti y vo dyo a rèvère a chti kou kevin a Epindè.

Mariètâ Bongâ.



Page valaisanne

L'ava toua son mezheu amoué (Il avait tué son meilleur ami)

Cein cé passo ein 1847/48, du tein du massacro ke l'a ia zu du lo¹ du Trient ein Vala.

Ein ci tein, on Avantha de la Vol d'Illie l'ava sauvo de la mo² on de sou s'amoué : Dénutsé ! Avantha lé arrevo dieusto u momein k'on cheudâ ein'moué, on Vau-